

গণপ্রজাতন্ত্রী বাংলাদেশ সরকার

ভূমি মন্ত্রণালয়
বাংলাদেশ সচিবালয়, ঢাকা
www.minland.gov.bd

গণবিজ্ঞপ্তি
প্রতারণা হতে সাবধান

সম্প্রতি লক্ষ্য করা যাচ্ছে যে, বিভিন্ন প্রতারণা চক্র ভূমি মন্ত্রণালয় এবং এর আওতাধীন বিভিন্ন দপ্তর ও প্রতিষ্ঠানের কর্মকর্তাদের নাম ভাঙ্গিয়ে নিয়োগ, পদায়ন, পদোন্নতি, খাস জমি/অর্পিত সম্পত্তি বরাদ্দ, চিংড়ি মহাল, জলমহাল ও বালু মহাল ইজারা এবং ভূমি অধিগ্রহণ সংক্রান্ত ইত্যাদি বিভিন্ন কাজ করিয়ে দেয়ার মিথ্যা আশ্বাস বা প্রলোভন দেখিয়ে কর্মকর্তা/কর্মচারী বা প্রতিষ্ঠান প্রধানের ফোন, মোবাইল, ই-মেইল, এস.এম.এস. ব্যবহার করে বিকাশ, রকেটসহ বিভিন্ন মাধ্যমে টাকা দাবি করছে। কোনো কোনো ক্ষেত্রে তাদের পক্ষ হতে সেবা সংশ্লিষ্টদের নিকট ব্যক্তিগতভাবেও যোগাযোগ করা হচ্ছে মর্মে বিভিন্ন সূত্রে জানা যাচ্ছে।

ভূমি মন্ত্রণালয় সুনির্দিষ্ট বিধি-বিধানের ভিত্তিতে সেবা প্রদান করে থাকে, টাকার বিনিময়ে কোনো সেবা পাওয়ার সুযোগ নেই। মন্ত্রণালয়ের কার্যক্রমের সকল তথ্যাদি মন্ত্রণালয়ের সিটিজেন চার্টারে ও ওয়েবসাইটে নিয়মিতভাবে প্রকাশ করা হয়ে থাকে। ভূমি মন্ত্রণালয়ের সরকারি কোনো ফি বিকাশ বা রকেটসহ এ জাতীয় কোনো মাধ্যমে কখনো গ্রহণ করা হয় না।

এমতাবস্থায়, ভূমি মন্ত্রণালয় এবং এর আওতাধীন কোনো দপ্তর বা প্রতিষ্ঠানের কোনো কর্মকর্তা/কর্মচারীর নামে কাউকে কোনো টাকা না দেয়ার জন্য সংশ্লিষ্টদেরকে অনুরোধ করা হলো। কেউ কোনো ধরনের সুবিধা বা টাকা দাবি করলে সংগে সংগে এ ধরনের প্রতারণাদের পুলিশে সোপর্দ করাসহ আইনানুগ ব্যবস্থা গ্রহণের জন্য সংশ্লিষ্ট সকলকে বিশেষভাবে অনুরোধ করা হলো।

আদেশক্রমে
কর্তৃপক্ষ